

## Dyula - Nii Kεlε Zehova ka Kuma - SW Intro Scriptures

Luka 17:5 Cidenw y'a fō Matigi ye ko: «Matigi, dō fara an ka lanaya kan.» Ḍromukaw 10:17 O la, mōgō be waajuli men ka sōrō ka la Krista la, waajuli le ye Krista ka koo nafōli ye.

Luka 11:1 Loon dō, Yezu tun be Zehova daalila yōrō dō. A tilara tuma min na, a ka kalandenw la kelen y'a fō a ye ko: «Matigi, an dege Zehovadali la i n'a fō Zan y'a taw dege cogo min na.»

1 Timote fōlō 2:1-4 Ne fε, ne be fεen fōlō min jini mōgōw fε, o ye nin ye: ko u ka Zehova daali ni daalili sifa bεε ye, ani ka barika la Zehova ye mōgō bεε kosōn, 2 ka daalili ke masaw ni fangatigiw ye, waasa an ka se ka to jasuma ni hērē la, ka se ka ke mōgōsōbēw ye Zehova ni mōgōw jana. 3 O le ka ni, an'a ka di an Kisibaga Zehova ye, 4 ale min b'a fε mōgō bεε ka kisi ani ka se ka tijē lōn.

Zakari 3:1,2 O kō, Masaba ye sarakalasebagaw kuntigi Zozuwe yira ne la. A lōnin tun be Masaba ka mεlεkε nafε. Mōgō jalakibaga Sutana lōr'a kinibolo la, waasa k'a jalaki. 2 Masaba ka mεlεkε y'a fō Sutana ye ko: «Masaba min ye Zeruzalēmu woloma, ale k'i sara, Sutana! Cεε nin ma ke i n'a fō lōgō jēninin, u ye min sama k'a bō tasuma na wa?»

Efεzikaw 6:12 Bari an te kεlε ke ni adamadenw ye, nga an be kεlε ke ni dijεjugu kuntigiw ye, ni sanfε fangatigiw, ni setigi minw be dibi la, ani nijugu minw be sankolo la.

Efεzikaw 6:10,11 Ayiwa, aw k'aw jija Matigi ka koo la a ka sebagaya dafanin barika la. 11 Aw ka Zehova ka kεlεkeminanw bεε ta waasa aw ka se ka lō ka ja ka Sutana ka namaraw kunben.

Efεzikaw 6:13-17 O la, aw ka Zehova ka kεlεkeminanw bεε ta waasa ni lonjugu sera, aw ka se ka lō kelen kan fōo ka se a laban ma. 14 Aw ye jija ka tijē ke aw ka cεsirilan ye, ani tilenninya ka ke aw ka nigεkunbennan ye. 15 Aw ye jija ka kibaru diman fō, min ye hērekuma ye, o ka ke i n'a fō aw ka sennasanbara. 16 Lanaya min b'aw la, aw k'o ke i n'a fō kεleden ka nigεkunbennan, ka se ka Sutana ka bijē tasumaman bεε faga n'o ye. 17 Aw ka kisili nigεfugulan biri, ani ka Nii Senuman ka murujan ta min ye Zehova ka kuma ye.

Eburuw 4:12 Zehova ka kuma janaman lo, fanga b'a la. A ka fari ni muru faan fila dadiman ye. A be don mōgō dusu la fōo ka nii faran ka bō adamadenya la, ani ka kolo ni sεnme bō jōgōn na. A be mōgō ka miiri, n'a kōnōnako bεε sεgesεge k'u lōn.

Luka 4:8 Yezu y'a jaabi ko: «A fōra Zehova ka kuma na ko: «I ka Matigi i ka

Zehova bato, ka baara ke ale kelenpe ye.» »

Efəzikaw 6:18 Aw ka Zehova daali kosobē tuma bęe Nii Senuman barika la ni daalili sifa bęe ye. Aw ye jija o la kosobē ka daalili ke Zehova ka mōgōw bęe ye.

1 Samuyeli föl 17:45-47 Dawuda y'a fö a ye ko: «I be na ne kama ni murujan ye, ani taman, ni kélékébere. Ne be taga i kama Masaba, Setigi tögö la, Isirayeli kélédenw ka Zehova, i ye min darabo. 46 Bii Masaba bena i di ne ma, n b'i faga k'i kuun tige, ne bena i ka mōgōw faga k'u suuw fili kōnōw ni kongosogow ye. O la, mōgo bęe ben'a lōn ko Zehova be Isirayelidenw fe. 47 Jama nin bęe ben'a faamu ko Masaba te mōgo kisi murujan, walima taman barika la dę. Nga ko Masaba ye kélémasa ye. A fana b'aw don an bolo.»

Luka 10:17-20 Kalanden bi wolonwula ni fila nunu segira ni nisondiya ye ka n'a fö Yezu ye ko: «Matigi, i tögö barika la, hali jinaw tun te se ka ban an ka fota ma.» 18 A y'a fö u ye ko: «Ne ye Sutana bentö ye ka bō sankolo la i ko sanmanamana. 19 N kōni ye see d'aw ma ka taama saaw ni bunteniw kan, ani ka see d'aw ma k'aw jugu Sutana ka sebagaya nagasi. Fenjugu si ka dabari tena se aw kōrō. 20 Aw kana nisondiya bari jinaw tun te se ka ban aw ka fota ma. Nga aw ka nisondiya bari Zehova y'aw tögö səben a fe sankolo la.»

2 Korəntikaw 2nan Filanan 10:3-5 Hali k'an t'o adamadenya la, an te kélé ke adamaden cogo la. 4 An ka kélékeminanw te adamaden ta ye, Zehova ta lo, barika b'u la ka juguw ka fanga cən k'u ka miirijuguw cən, 5 ani yərəbonala minw be muruti Zehova sago ma, ne be olu bęe majigi. An be mōgōw ka miiri bęe yəlema k'o sin Krista ma u k'a ka kuma bato.

Matiyo 16:19 Ne bena sankolo masaya konnige d'i ma. N'i ye fəen o fəen siri dugukolo kan, o bena siri sankolo la. I mana fəen o fəen foni dugukolo kan, o bena foni sankolo la.»

2 Timote 2nan Filanan 1:7 Bari Zehova ye Nii Senuman min d'an ma, o ma d'an ma waasa an ka ke siranbagatōw ye, o be fanga le d'an ma, ka kanuya don an dusu la, k'an ke yərəminelaw ye.

Matiyo 12:28,29 Nga ni ne be jinaw gwən Zehova ka Nii barika la, o b'a yira ko Zehova ka masaya sera aw ma. 29 Mōgo be se ka don cee barikaman ka soo kōnō k'a bololafənw cəc cogo di n'a m'o cee mine k'a siri föl? N'a y'a siri, o tuma na, a be se k'a ka sokənəfənw bęe cə.

Efəzikaw 1:13 Aw ye tijəkuma nin mən tuma min na, o min ye kibaru diman ye, aw fana lar'a la ka kisi o barika la, ka Nii Senuman sōrō, min ye taamasije ye an kan, Zehova tun y'a daa di min na.

Kewaliw 19:6 Pöli y'a bolo lala u kuun na, Nii Senuman jigira u kan, u y'a damine ka siyakan wərew fö, ani ka kirayakuma fö.

Mariki 16:15-18 A tilara k'a fo u ye ko: «Aw ye taga dijε yɔrɔ bεε ka kibaru diman fo mɔgɔ bεε ye. 16 Ni mɔgɔ min lara a la ka batize, o tigi bena kisi, nga ni mɔgɔ min ma la a la, o tigi tena kisi. 17 Mɔgɔ minw bena la a la, u bena olu lɔn taamasijε minw fε, olu file: U bena jinaw gwεn ka bɔ mɔgɔw la ne tɔgɔ la, u bena kuma kaan wεrew la. 18 Hali n'u ye saa minε, hali n'u ye baga min, a tena foyi kε u la. N'u y'u bolo la banabagatɔ minw kan ka Zehova daali u ye, olu bena kεnεya.»

1 Zan fofo 1:9 Nga n'an sɔnna ka lɔ an ka hakew la, o tuma na, an be se k'an jigi la Zehova kan a ka kantigiya n'a ka tileniya kosɔn. A bena an ka hakew yafa k'an saniya an ka tilenbaliyakow bεε la.

Bok 20:5 Aw kana aw kumbiri gwan o kɔrɔ, aw kana u bato, bari ne Masaba aw ka Zehova, keliya be ne la. Ne be faaw ka tilenbaliyako hake bɔ u deenw na foɔ ka ta'a bila ne kɔniyabagaw mamadenw n'u ka tulomasamaw na.

Dɔnkiliw 109:17 Danga tun ka d'a ye, danga k'a sɔrɔ. A tun te duba fε, duba yɔrɔ ka japa a la.

Cefariw 16:16 Loon o loon, muso nin tun b'a la k'a sigεn, a y'a sigεn foɔ k'a dama tεmε.

Efεzikaw 4:26 N'aw dimina, aw kana hake kε, aw kana dimi mara foɔ ka tilekun don.

ɔrɔmukaw 14:12 O cogo la, an kelen kelen bεε bena lɔ n'an kunko ye Zehova jəkɔrɔ.

1 Zan fofo 2:23 Ni mɔgɔ min banna Zehova Dencε la, o tigi te Faa Zehova fε fana. Ni min sɔnna a ma, o tigi be Faa Zehova fε fana.

Zan 14:6 Yezu y'a jaabi ko: «Ne le ye sira, ni tijε, ani nii dibaga ye. Mɔgɔ si te se n Faa fε ni ne sababu tε.

Matiyo 11:28-30 «Aw minw nii tɔɔrɔnin lo, ni sigεn b'aw kan, aw ka na ne fε, ne bena lafiya di aw ma. 29 Aw ka kε ne ka kalandenw ye, bari ne sabalinin lo, n te mɔgɔ si dɔgɔya fana. N'aw sɔnna ne ka kuma ma, aw bena lafiya sɔrɔ, 30 bari ne tena jɔnya ni sigεn gwiliman la aw kan.»

2 Korentikaw 2nan Filanan 6:2 bari a foṛa Zehova ka kuma na ko: «Waati bennin na, ne y'i lamεn. Kisili loon na, ne y'i dεmε.» Ayiwa, o waati bennin ye sisan le ye, kisili loon le ye bii ye.

ɔrɔmukaw 10:13 Bari: «Mɔgɔ o mɔgɔ mana Matigi tɔgɔ wele, o tigi bena kisi.»